

Bievnesh eejhtegidie Learohkegoerehtimmien bijre

Mij ulmie Learohkegoerehtimmine?

Learohkegoerehtimmie learoehkidie nuepiem vadta jiehtedh maam dah lieremen jih träjjen bijre skuvlesne mielieh. Illedahkh goerehtimmeste vöörhkesuvviah jih åtnasuvviah skuvleste, skuvlen aajhteristie jih staateles ööhpehtimmieåejvieladtjijste juktie learohki skuvle- jih lieremebyjresem analyseeredh jih evtiedidh.

Illedahkh goerehtimmeste maehtieh aaj åtnasovvedh dotkemasse, statistihkese jih vâarhkose vöörhkedh.

Ööhpehtimmiedirektoaraate statistihkem Learohkegoerehtimmeste bæjhkohte sijjesne www.udir.no.

Guktie goerehtimmien tjirrehte?

Jijtjevyljehke learoehkidie Learohkegoerehtimmien vaestiedidh. Learohkh maehtieh aaj baajedh årrodh gyhtjelassh vaestiedidh mejtie eah sijnth vaestiedidh.

Gïetedimmiediedte jih persovnevaarjelimmie

Gosse learohkh gyhtjelassh vaestiedieh Learohkegoerehtimmesne, persovnebïevnesh dej bijre vöörhkesuvviah. Ööhpehtimmiedirektoaraate diedtem åtna gaajkh persovnebïevnesh gïetesuvviah persovnevaarjelimmienjoelkedassi mietie.

Learohkh eah nommem soptsesth, jih persovnenommere ij leah viedteldihkie vaestiedasside. Gosse learohke lea goerehtimmien vaestiedamme, ektiedimmie tsoepkene gaskem learohken sijseloggemekodam /-svaalhtesem jih dam maam learohke lea vaestiedamme. Dan åvteste geerve goeredh gie lea maam goerehtimmesne vaestiedamme. Muvhti veajkoej (vuesiehtimmien gaavhtan smaave skuvline), maakta læjhkan vaahra årrodh naakenh maehtieh damtijidh gie lea maam vaestiedamme. Dan åvteste Ööhpehtimmiedirektoaraaten leah joekoen striengkies njoelkedassh vuesiehtimmien bijre illedahkijste goerehtimmeste skuvlese, skuvlen aajhterasse jih staateles ööhpehtimmieåejvieladtjide. Ij edtjh illedahkh goerehtimmeste bæjhkohtidh naemhtie guktie gåarede learohki vaestiedassh damtijidh. Vaestiedassh vöörhkesuvviah dan guhkiem daerpies.

Dej veajkoej Ööhpehtimmiesiebrie vaestiedasside dotkemasse deellie, dotkijh tjuerieh direktoaraaten njoelkedassh gïetedimmien bijre persovnebïevnesijstie jih sjævehtsvoetediedteste fulkedh, jih tjuerieh sjævehtsvoetebæjhkohtimmien vuelietjæledh.

Rïekteles vâarome gïetedæmman persovnebïevnesijstie

Rïekteles vâarome gïetedæmman persovnebïevnesijstie Learohkegoerehtimmesne lea persovnevaarjelimmiemieriedimmie art. 6 nr. 1 bokstaave e jih art. 9 nr. 2 bokstaave g, gusnie dihte lissie nasjonaale rïekteles vâarome lea mieriedimmie lierehtimmielaakese § 19-3 jih mieriedimmie privaateskuvlelaakese § 13-3.

Learohkh eah maehtieh krieveth vaestiedasside vovejnedh, staeriedidh jallh skubpedh, dan åvteste ij gåarede vaestiedasside ryöktesth learoehkasse ektiedidh.

Rïekteles vâarome dotkemasse, statistihkese jih vöörhkemasse vâarhkosne lea persovnevaarjelimmiemieriedimmie art, 6 nr. 1 bokstaave e jih art. 9 nr. 2 bokstaave j. Persovnebïevneselaaken §§ 8 jih 9 leah dihte lissie nasjonaale reaktavâarome.

Dov gyhtjelassh?

Jis vielie biėvnesh sijhth maahtah skuvline jallh Ööhpehtimmiedirektoraatine gaskesadtedh.

Ööhpehtimmiedirektoraaten gaskesadtemebievnesh

Tellefovne: +47 23 30 12 00

E-påaste: post@udir.no post@udir.no

Datne aaj jijnjh biėvnesh gaavnh sijjesne www.udir.no/undersokelser. Gyhtjelassh persovnevaarjelmien bijre maahta gihtjedh Ööhpehtimmiedirektoraaten persovnevaarjelmietjirkijasse sijjesne: personvernombud@udir.no

Daatavaaksjome lea laejhtemeinstanse juktie persovnebiėvnesh Learohkegoerehtimmesne gietedidh. Datne vielie biėvnesh gaavnh sijjesne: <https://www.datatilsynet.no/om-datatilsynet/kontakt-oss/klage-til-datatilsynet/>